



QUÆSTIO MEDICA.

*Cardinalitiis disputationibus manè discutienda in Scholis
Medicorum, die Jovis vigesimâ-tertiâ Februarii.*

M. PONTIO MAURIN, Doctore
Medico, Præside.

An fœccus Aër humido salubrior ?

I.

AER, ut vitæ, sic & sanitatis morborumque præcipuus auctor, corpus est fluidum, pellucidum, grave, densari & resilire aptum, nulli sensum, præterquam auditui tactuque, obvium. Ex duplici partium genere potissimum coalescere videtur: aliis crassioribus, tenuioribus aliis. Crassiores, non modò effluviolum ab omnigenis ferè corporibus jugiter dimanantium proventus; sed corpusculorum præferim peculiari textu & figurâ primo rerum ortu conditorum *σύνθεσις*. Tenuiores motu velocissimo raptæ, crassioribus vim diffundendi lumenque transmittendi impertuntur. Extrusâ illâ tenuiori substantiâ è crassioris meatibus, Aër cogitur in angustum. Quantum autem hic possit comprimere, eo discitur, quod novæ catapultæ *σπυρματικῆς* artificio, ad vicissimam sui spatii partem adigatur. Ab intestinâ subtilioris partis agitatione, nec non aptâ crassioris figuratione, in Aëre vis resiliendi; quæ non, ut in cæteris *ελατῆροι*, deteritur; cuiusque immensa propè efficacia mirum in modum elucescit vesicâ ferè inani, vacuo *Boyleano* impositâ, quæ Aëris intus coerciti rarefactique nisu, vel pondo quinquaginta & amplius attollit. Ab Aëris *ἀναρρόησι*, & materiæ cuiusdam subtilissimæ à centro recedere conantis motu, Aëris gravitas vulgò dicta. Ab Aëris gravitate, effectus omnes perperam vacui fugæ adscribi soliti. Aër non minus facultatis. Diversâ illius indoles à vario ejusdem motu, & affinitatibus à terraquo globo expirationibus. Hinc modò gravior est, modò levior: hinc subtilis, illic densus & concretus: alias calidus, frigidus

aliàs : nunc siccandi, nunc madefaciendi potestate præditus. Ingenio proclivior ad siccandum, quatenus partium figurâ & concitatione, corporum, quæ præterlabitur, humorem abstergere idoneus; nimio guttularum aquearum alteriusve naturæ interjectu, humidus evadit. Nec ejusdem pondus ex halituum confertorum copiâ dimetiri par est; hoc enim, stante Boreâ, majus; Austro spirante, minuitur, *Βαρομέτριον* teste. Unde colligere est, in Aëre vim resiliendi sudâ siccâque tempestate roborari, humidâ & nebulosâ resolvi.

I I.

QUANTÆ sit ad vitam necessitatis Aër, vel qui spirare semel incæpit, novit. Illius usurâ impune carere nequeunt, quæcumque vitæ munere fruuntur. Eum, non modò perfectissima quæque Animalium ducunt; sed & ea, quæ duntaxat inchoata videantur, Insecta, Conchylia, Fœtus utero vel ovo conclusi. Quidni & Plantæ? Natura siquidem propria singulis fabricavit organa, quibus illum intra se excipiant. Plantis & Insectis tubulos *Τραχειών* cognomine insignitos, Piscibus Branchias, reliquis Animantibus Pulmōnes in eum usum concessit. Respirationis modus ubique mirabilis, in Homine; ut in Brutorum plerisque, reciprocatōne quadam continetur; foris intrò, intus foràs. Admittitur Aër, pectore dilatato. Dilatatur pectus costarum utriusque & ordinis & lateris ascensu, septi-transversi descensu. Attolluntur costæ musculorum *μετασπασίων* externorum internorumque obliquâ contractione, ob decussatâ illorum fibras idem præstante, quod musculi directò trahentis actio. Deprimitur septum-transversum, fibris gemini, ex quo compactum est, musculi à centro nervoso ad ambitum retractis. Ampliatâ pectoris capacitate, Aër vi suâ resiliendi compulsus, non attractus, per guttur in pulmōnes irrumpit, quos mille canalibus & vesiculis excavatos distendit inflâtque. Expellitur idem, pectore arctato. Arctatur pectus costarum descensu, septi-transversi ascensu. Costæ concidunt ingenito suarum partium renixu, quo, cessantibus musculis, à quibus per vim fuerant sublata, pristinum statum redipiscuntur. Sursùm redit septum-transversum, remisso ipsius nisu, partim à dissepimento, cui firmiter adhærescit, resiliēti revocatum, partim ab infimis visceribus sese explicantibus repulsum. Eorum omnium actionem adjuvat abdominis musculorum & pulmōnis fibrarum contractio, scibi Animal vehementiori indigeat expiratione. Sic angustato pectore, Aëris portio è pulmōnum vesiculis in *σπρίγχα*, ex his in asperam arteriam, ex asperâ arteriâ foràs eliditur.

I I I.

TAM stupendo instrumentorum apparatu Aër non ad temperandum cordis æstum, aut ventilandam flammam vitalem, in pulmōnes derivatur. Non, ad sanguinis fulgines excutiendas. Non, ad refrigerandum conspissandûmve sanguinem, cordis igne priùs rarefactum; quò facilius in altero ejusdem visceris foco iterum ebulliat. Quis igitur tantus hausti Aëris ad vitam usus? Sanguinis circuitum, à quo vita, promover; quatenus cum liquorem attenuat, propellit ac servescit. Pulmō-

num enim folliculos distendens, purpureum laticem à corde submissum,
 & in impeditis arteriæ venæque *πνευμονικῶν* ambagibus moras neccentem,
 atterit, dissolvit, ejusque reditum ad cor accelerat. Sed & eidem resi-
 lientes eas largitur particulas, quibus ipse fœtus est, quibûsque orbaturs,
 Animalium vitæ sustinendæ par esse nequit. Harum tremulâ & reciproçâ
 motione, inæquali corporum incumbentium pondere usquè productâ,
 sanguis incitatus, effervescit; blandum illum concipit calorem, cujus ex-
 tinctio, mors; cunctisque vitæ muniis ritè obeundis aptissimus evadit.
 Dùm autem superficies, motus & coaptatio partium ejus hoc novo
 commeatu immutantur, coccineum induit colorem, quo perfusus con-
 spicitur, ut ad sinistrum cordis sinum refluit. Ex prædictis, explanari po-
 test, Cur in Aëre sæpius expirato, vel rariori, quàm par est, spiritus
 gravis & angor: Cur ab eodem nimium condensato, vel diutius intra
 pulmones coërcito, suffocationis periculum: Cur in laborioso concitato-
 ve musculorum conatu, spiritus ad tempus cohibeatur, deinceps cum
 anhelitu ducendus. Nec solâ respiratione Animantium corpus Aër affi-
 cit; verùm & suo ad reliquas illius partes, cùm externas, tum internas,
 appulsu. Alimentis permixtus deglutitur, ad *χρηδένος* negotium non fu-
 turus inutilis. Corporis ambitum æquabiliter ab omni parte compri-
 mendo, per eam regionem cruoris periodum provehit. Quin & sensuum
 nonnullis famulatur. Secum enim odores ad narium lamellas defert. Au-
 ris præterea labyrinthum intimè pervadens, tympani extrinsecis variè
 verberati modulationes excipit, quas diligenter principi auditûs organo
 repræfenter.

I V.

CUM ea sit Aërem inter & solidas fluidasque Animantium partes
 necessitudo; non mirum, si pro variis, quibus instruitur ille, vir-
 tutibus, functiones & spiritales & corporeæ, quæ ferè omnes à solido-
 rum fluidorumque texturâ & motu pendent, tot & tantas subeant mu-
 tationes. Hinc diversitas in temperamentis, studiis & moribus Gentium,
 non modò quæ à sese invicem longissimo terrarum tractu sejunguntur,
 sed & quæ degunt vicinæ, maxime repetenda. Hinc aliæ ingenii acu-
 mine, aliæ tarditate insignes audiunt. Hinc sæpius idem homo in eâ-
 dem regione modò tristis & severus, modò hilaris: nunc prosperâ, nunc
 adversâ valetudine utitur. Porro illam fovet Aëris constitutio sicca: hanc
 humida arcessit. Siccus Aër, utpotè vegetior ad resiliendum, corporis
 totius fibras obfirmat, meatus aperit, humorem superfluum exhaurit;
 indeque fermenta exacuuntur, dejecta suscitatur appetentia, cibi optimè
 consciuntur & distribuuntur. Eâdem de causâ celeriter nullòque negotio
 in pulmones devolutus, implicitos eorum anfractus penetrat & recludit:
 sanguinem potenter urget, illincque extricat; & eam illi partium *σπέρ-
ματικῶν* vim sufficit, quæ debito calori luculenter intra eundem accenden-
 do fit satis. Hinc spiritus lucidiores à cerebro in universum ipsius regi-
 men irradiant. Ab his animus ad sua munera promtior & alacrior. Ab
 his, ut à servato fibrarum tono, expeditior movendi, exquisitior sen-

4
tiendi facultas. Uno verbo, benè temperatam cœli siccitatem cunctarum
vitæ actionum integritas comitatur.

V.

HUMIDUS Aër è contrario, quam sit valetudini noxius, facile qui-
vis, perspectâ illius naturâ, intelligat. Corpori gravitatem indu-
cit: hoc enim eò gravius, quò ille levior. In pulmones ægrè delabitur.
Ibi stagnans, cunctantem sanguinem segniter ad absolvendam circuitio-
nem stimulat: Unde laboriosa respiratio; & anhelantium, humido cœlo,
angustiæ. In pulmone sanguini admistus, ejusdem *visu* vix ac ne vix
quidem ciet, cum ob aquearum copiam, tum ob resilientium partium
inopiam. A sanguine malè fermentato, spiritus effæti. Hinc, ut à cor-
ruptâ humidi Aëris allapsu fibrarum nativâ tensione, sensuum oritur im-
becillitas & inertia. Oculorum acies hebetatur. Auditus ingravescit,
non minùs Aëris torpentis & ad argutum sonum inepti, quam ipsiusinet
organi vitio. Perit naris emunctæ sagacitas. Universi corporis vires ener-
vatæ fatiscunt. Animus quoque unâ prægravatus, in tristitiam fit pro-
pensior. Quin & obthuratis ab humidâ colluvie cutis spiraculis, insensi-
lis transpiratio non leviter præpeditur. Obrunditur intereâ latentium intus
fermentorum vigor. Hinc manca & imperfecta ciborum dissolutio san-
guini jam languido tenue subsidium parat. Sic debilitatâ sensum liquorum
agitatione, & laxato fibrarum contextu, multi, iique ut plurimum con-
tumaces ingruant morbi, necesse est: Catarrhi, Gravedines, Raucitates,
Febres diurnæ, Alvi-fluxus, Putredines, Apoplexiæ, Comitiales affe-
ctus, Anginæ, & similes, quibus humidâ plerumquè tempestate corpus
jactatur. Quicumque igitur aliquam suæ sanitatis rationem duxerit, is
ntiquè siccum & syncerum Aërem, in locis mediocriter & editis & in-
solatis, aurâ suavi perflatis, sectetur: Humidum verò, qualem efficere
solent Austrina constitutio, maris fluminûmve majorum vicinia, solum
stagnis paludibusque scatens, humile, collibus undiquè obseptum, mi-
núsque à Sole collustratum, omni ope & industriâ declinet. Eo pacto
immunem à morbis quamplurimis ætatem peragens, egregias siccî Aëris
dotes secum reputabit, lubensque cum Divino Sene colliget,

Ergò siccus Aër humido salubrior.

Proponebat Lutetiæ PETRUS-JOHANNES BURETTE,
Parisiinus, Baccalaureus Medicus. A. R. S. H. 1690.

Apud FRANCISCUM MUGUET, Regis & Facultatis Medicinæ
Typographum.